

中国古代史教学 参考资料

第二册

(上)

《中国古代史教学参考资料》编辑组

中国古代史教学 参考资料

第二册

封建社会（一）

战国秦汉部分

目 录

一、封建割据国家的建立和各国的变法运动·····	(1)
1. 春秋战国之际地主阶级的夺权斗争·····	(1)
2. 魏李悝变法·····	(13)
3. 楚吴起变法·····	(17)
4. 秦商鞅变法·····	(20)
二、战国时期社会经济的发展·····	(31)
1. 农业技术的改进和水利的发展·····	(31)
2. 手工业·····	(41)
3. 商业和城市·····	(44)
三、战国时期各国间的兼并战争·····	(51)
1. 马陵之战·····	(51)
2. 乐毅伐齐·····	(53)
3. 长平之战·····	(54)
4. 合纵与连横·····	(57)
四、战国时期的思想文化·····	(71)
1. 百家争鸣·····	(71)
2. 屈原和楚辞·····	(115)
3. 扁鹊及其医学·····	(124)
五、秦始皇的统一及其巩固封建统治的重要措施·····	(130)
六、陈胜吴广领导的农民起义·····	(174)
1. 陈胜吴广起义·····	(174)
2. 项羽刘邦起义·····	(191)

一、封建割据国家的建立 和各国的变法运动

1. 春秋战国之际地主阶级的夺权斗争

十八年（前609年）二月，文公卒。文公有二妃：长妃齐女为哀姜①，生子恶及视；次妃敬嬴，嬖（bì）爱②，生子倭（wēi）③。倭私事襄仲，襄仲欲立之，叔孙曰不可。襄仲请齐惠公，惠公新立，欲亲鲁，许之。冬十月，襄仲杀子恶及视而立倭，是为宣公。哀姜归齐，哭而过市，曰：“天乎！襄仲为不道，杀適④立庶！”市人皆哭，鲁人谓之“哀姜”。鲁由此公室卑，三桓⑤强。

.....

（襄公）五年（前568年），季文子卒。家无衣帛之妾，厩无食粟之马，府无金玉，以相三君⑥。君子曰：“季文子廉忠矣”。

九年，与晋伐郑。晋悼公冠⑦襄公於卫，季武子从，相行礼。

十一年，三桓氏分为三军⑧。

.....

（昭公）二十五年（前517年）春，鸛鹄（qu yù 瞿欲）⑨来巢。师己曰：“文成之世⑩童谣曰‘鸛鹄来巢，公在乾侯⑪。鸛鹄入处，公在外野’”。

季氏与郈（hòu 厚）氏⑫斗鸡，季氏芥鸡羽⑬，郈氏金距⑭。季平子怒而侵郈氏，郈昭伯亦怒平子。臧昭伯⑮之弟会

伪谗臧氏，匿季氏，臧昭伯囚季氏人。季平子怒，囚臧氏老^⑮。臧、郈氏以难告昭公。昭公九月戊戌伐季氏，遂入。平子登台请曰：“君以谗不察臣罪，诛之，请迁沂^⑰上。”弗许。请囚於郕（bì秘）^⑱，弗许。请以五乘亡^⑲，弗许。子家驹曰：“君其许之。政自季氏久矣，为徒者众，众将合谋。”弗听。郈氏曰：“必杀之。”叔孙氏之臣戾谓其众曰：“无季氏与有，孰利？”皆曰：“无季氏是无叔孙氏。”戾曰：“然，救季氏！”遂败公师。孟懿子闻叔孙氏胜，亦杀郈昭伯。郈昭伯为公使，故孟氏得之。三家共伐公，公遂奔。己亥，公至於齐。……

二十六年春，齐伐鲁，取郛^⑳而居昭公焉。……

二十八年，昭公如^㉑晋，求人。季平子私於晋六卿^㉒，六卿受季氏赂，谏晋君，晋君乃止，居昭公乾侯。三十一年，晋欲内^㉓昭公，召季平子。平子布衣跣（xiǎn险）行^㉔，因六卿谢罪。六卿为言曰：“晋欲内昭公，众不从”。晋人止。……

定公立，赵简子问史墨^㉕曰：“季氏亡乎？”史墨对曰：“不亡。季友有大功於鲁，受郕为上卿，至于文子、武子，世增其业。鲁文公卒，东门遂^㉖杀適立庶，鲁君於是失国政。政在季氏，於今四君矣。民不知君，何以得国！是以为君慎器与名^㉗，不可以假人。”

定公五年（前505年），季平子卒。阳虎私怒，囚季桓子，与盟，乃捨之。……八年，阳虎欲尽杀三桓適，而更立其所善庶子以代之；载季桓子将杀之，桓子诈而得脱。三桓共攻阳虎，阳虎居阳关。九年，鲁伐阳虎，阳虎奔齐，已而奔晋赵氏。

十年，定公与齐景公会於夹谷^㉘，孔子行相事。……十二年，使仲由毁三桓城，收其甲兵。孟氏不肯堕城，伐之，不克

而止。……

……

(哀公)十四年(前481年)，齐田常弑其君简公於徐(shū)州②。……田常初相，欲亲诸侯。

二十七年春，季康子卒。夏，哀公患三桓，将欲因诸侯以劫之，三桓亦患公作难，故君臣多閒。……八月，哀公如阽氏，三桓攻公，公奔於卫，去如邹，遂如越。国人迎哀公复归，卒于有山氏。子宁立，是为悼公。

悼公之时，三桓胜，鲁如小侯，卑於三桓之家。

十三年(前454年)，三晋③灭智伯，分其地有之。

《史记·鲁周公世家》

①哀姜：文公妃哀姜，因鲁人哀怜她，故名。

②嬖爱：宠幸。

③倭：一作“倭”。

④適：同“嫡”。

⑤三桓：指鲁桓公之族孟孙(一作仲孙)、叔孙、季孙。

⑥三君：指鲁宣公、成公、襄公。

⑦冠：古礼男子二十岁加冠，表示成人。帝王加冠时举行一种仪式，叫加冠礼。

⑧三军：《集解》引韦昭曰：“周礼，天子六军，诸侯大国三军。鲁，伯禽之封，旧有三军，其后削弱，二军而已。季武子欲专公室，故益中军，以为三军，三家各征其一。”征，征赋役。

⑨鸛鹄：鸟名，俗叫八哥。

⑩文成之世：指鲁文公、鲁成公在位时期。

⑪乾侯：地名，今河北成安县东南。

⑫郈氏：郈昭伯，鲁贵族。

⑬芥鸡羽：“芥”当依《左传》作“介”。“介”，甲也，即在鸡头上披甲。

⑭金距：以金属作套，套在鸡爪上。距，向后伸出的鸡爪。

⑮臧昭伯：即臧孙赐，鲁贵族。

⑯老：臧氏家臣。

⑰沂：指山东沂水。

⑱鄆：或作“费”。今山东费县西北。

⑲请以五乘亡：《集解》引服虔曰：“言五乘，自省约以出。”乘，古时以一车为一乘。此处指季氏请求以五辆马车出走。

⑳郚：今山东郚城东。

㉑如：往。

㉒晋六卿：指范氏、中行氏、智氏、韩氏、赵氏、魏氏。

㉓内：同“纳”。

㉔跣行：光着脚走。布衣跣行，表示忧愁。

㉕赵简子：即赵鞅。史墨：晋国史官蔡墨。

㉖东门遂：即襄仲，因居东门，故以为氏。

㉗器与名：古时称代表统治者的等级地位的爵号和车服仪制。器，指车服；名，指爵位。

㉘徐州：古地名，在今山东枣庄市薛城。

㉙夹谷：今山东莱芜东南。

㉚三晋：指韩、赵、魏。

（哀公）十六年（前483年），楚太子建之遇谗也，自城父①奔宋，又辟华氏之乱於郑，郑人甚善之。又适②晋，与晋人

谋袭郑，乃求复焉。郑人复之如初。晋人使谍於子木③，请行而期焉④。子木暴虐於其私邑，邑人诉之，郑人省之，得晋谍焉，遂杀子木。其子曰胜，在吴。子西⑤欲召之，叶公曰：“吾闻胜也，诈而乱，无乃害乎”。子西曰：“吾闻胜也，信而勇，不为不利，舍诸边竟，使卫藩焉。”叶公曰：“周⑥仁之谓信，率⑦义之谓勇，吾闻胜也好复言⑧，而求死士，殆有私⑨乎，复言非信也，期⑩死非勇也。子必悔之。”弗从。召之，使处吴竟，为白公⑪。请伐郑，子西曰：“楚未节也⑫。不然，吾不忘也。”他日又请，许之。未起师，晋人伐郑，楚救之，与之盟。胜怒曰：“郑人在此⑬，仇不远矣”。胜自厉剑⑭，子期⑮之子平见之，曰：“王孙何自厉也？”曰：“胜以直闻，不告女，庸为直乎，将以杀尔父。”平以告子西。子西曰：“胜为卵，余翼而长之，楚国第⑯，我死，令尹、司马，非胜而谁。”胜闻之曰：“令尹之狂也，得死乃非我⑰，子西不悛（quān圈）”。胜谓石乞⑱曰：“王与二卿士⑲，皆五百人当之则可矣。”乞曰：“不可得也。”……吴人伐慎⑳，白公败之。请以战备献㉑，许之。遂作乱。秋七月，杀子西、子期于朝，而劫惠王。子西以袂（mèi妹）㉒掩面而死。子期曰：“昔者吾以力事君，不可以弗终”。挟豫章以杀人而后死㉓。石乞曰：“焚库弑王，不然不济”。白公曰：“不可。杀王不祥，焚库无聚，将何以守矣？”乞曰：“有楚国而治其民，以敬事神，可以得祥，且有聚矣，何患？”弗从。叶公在蔡，方城之外皆曰：“可以入矣。”子高曰：“吾闻之，以险徼幸者，其求无鑿，偏重必离㉔，闻其杀齐管修也而后入㉕”。白公欲以子闾㉖为王，子闾不可，遂劫以兵。子闾曰：“王孙若安靖楚国，匡正王室，而后庇焉，启之愿也，敢不听从。若将专利，以倾王室，不顾楚国，有死不能。”遂杀之。而以王

如高府②⑦，石乞尹门，圉（zǔ语）公阳②⑧，穴宫，负王以如昭夫人②⑨之宫。叶公亦至，及北门，或迂之曰：“君胡不胄（zhòu 咒）③⑩，国人望君，如望慈父母焉，盗贼之矢若伤君，是绝民望也。若之何不胄？”乃胄而进。又迂一人曰：“君胡胄？国人望君，如望岁焉。日日以几③⑪，若见君面，是得艾③⑫也。民知不死，其亦夫有奋心，犹将旌③⑬君以徇于国，而又掩面以绝民望，不亦甚乎！”乃免胄而进。迂箴尹固帅其属将与白公，子高③⑭曰：“微二子者③⑮，楚不国矣，弃德从贼，其何保乎！”乃从叶公，使与国人以攻白公。白公奔山而缢，其徒微之③⑯。生拘石乞，而问白公之死焉。对曰：“余知其死所，而长者③⑰使余勿言。”曰：“不言将亨③⑱。”乞曰：“此事克则为卿，不克则亨，固其所为，何害？”乃亨石乞。

《左传·哀公十六年》

①城父：今安徽亳县东南。

②适：往。

③谍：间谍。子木：即楚太子建。

④请行而期焉：请示去袭击郑的日期。

⑤子西：楚平王的庶弟，楚国的令尹。

⑥周：亲。

⑦率：行。

⑧复言：说话不算数。复，反覆。

⑨私：私谋复仇。

⑩期：必。

⑪白公：白，楚邑名。楚国邑大夫皆称公，故叫白公。

⑫楚未节也：指楚国新恢复政令，法制尚未完备。

⑬郑人在此：把子西比作郑人。

- ⑭厉剑：磨剑。厉，“砺”的本字，磨刀石。
- ⑮子期：人名。楚国的司马。
- ⑯楚国第：楚国用土的次第。
- ⑰得死乃非我：杜预注：“言我必杀之，若行自死，我乃不复成人。”
- ⑱石乞：白公胜的谋士。
- ⑲二卿士：指子西、子期。
- ⑳慎：地名。在今安徽颍上县西北。
- ㉑以战备献：因与吴国作战胜利，陈列所得甲兵以献捷。
- ㉒袂：衣袖。
- ㉓抉豫章以杀人而后死：用挖出的大木杀人而后死。抉，挖出。豫章，大木。
- ㉔杜注：“险，犹恶也。所求无鑿则不安，譬如物偏重则离散，欲须其毙而讨之。”
- ㉕杜注：“管修，楚贤大夫，故齐管仲之后。闻其杀贤，知其可讨。”
- ㉖子闾：平王子启。
- ㉗高府：楚王宫中的府名。
- ㉘公阳：楚大夫。
- ㉙昭夫人：昭王夫人，惠王之母。
- ㉚胄：古代作战时所戴的帽子。
- ㉛日日以几：天天希望你来。几，同“冀”，希望。
- ㉜艾：平安。
- ㉝旌：表。
- ㉞子高：即叶公。
- ㉟微：无。二子：指子西、子期。
- ㊱微：藏匿。

③⑦长者：指白公胜。

③⑧亨：古“烹”字。

简子誓曰：“范氏、中行氏，反易天明①，斩艾②百姓，欲擅晋国，而灭其君，寡君恃郑而保焉。今郑为不道，弃君助臣。二三子顺天明，从君命，经③德义，除诟耻，在此行也。克敌者上大夫④受县，下大夫受郡，士田十万⑤，庶人工商遂⑥，人臣隶圉免⑦。”

《左传·哀公二年》

①反易天明：违反天道，不事国君的意思。古代统治者宣扬天有尊卑，人有上下，下事上、臣事君，是效法天之明道。现在臣不事君，是违反改变了天道。

②艾：借为“刈”，这里作“绝”解。

③经：经纪营理。

④上大夫：在奴隶制时代的诸侯国中，国君之下有卿、大夫、士三级。大夫分上大夫、下大夫。

⑤士田十万：士有战功，可得田地十万亩。

⑥遂：进升。

⑦免：免除奴隶身份。

（平公）十四年（前544年），吴延陵季子来使，与赵文子、韩宣子、魏献子语，曰：“晋国之政，卒归此三家矣”。

十九年，齐使晏婴如晋，与叔向语。叔向曰：“晋，季世①也。公厚赋为台池而不恤政，政在私门，其可久乎！”晏子然之。

二十二年，伐燕。二十六年，平公卒，子昭公夷立。

昭公六年（前526年）卒。六卿强，公室卑。子顷公去疾

立。

顷公六年（前520年），周景王崩，王子争立。晋六卿平王室乱，立敬王。

.....

十二年，晋之宗家祁傒孙，叔向子，相恶于君。六卿欲弱公室，乃遂以法尽灭其族，而分其邑为十县，各令其子为大夫。晋益弱，六卿皆大。

十四年，顷公卒，子定公午立。

定公十一年（前501年），鲁阳虎奔晋，赵鞅简子舍之②。.....

十五年，赵鞅使邯郸大夫午，不信，欲杀午，午与中行寅、范吉射（音亦）亲攻赵鞅，鞅走保晋阳③。定公围晋阳。荀栎、韩不信、魏侈与范、中行为仇，乃移兵伐范、中行。范、中行反，晋君击之，败范、中行。范、中行走朝歌④，保之。韩、魏为赵鞅谢晋君，乃赦赵鞅，复位。二十二年，晋败范、中行氏，二子奔齐。

三十年，定公与吴王夫差会黄池⑤，争长，赵鞅时从，卒长吴⑥。

三十一年，齐田常弑其君简公，而立简公弟骈为平公。.....

三十七年，定公卒，子出公凿立。

出公十七年（前458年），知伯与赵、韩、魏共分范、中行地以为邑。出公怒，告齐、鲁，欲以伐四卿。四卿恐，遂反攻出公。出公奔齐，道死。故知伯乃立昭公曾孙骄为晋君，是为哀公⑦。

哀公大父雍，晋昭公少子也，号为戴子。戴子生忌。忌善知伯，蚤死，故知伯欲尽并晋，未敢，乃立忌子骄为君。当是

时，晋国政皆决知伯，晋哀公不得有所制，知伯遂有范、中行地，最强。

哀公四年（前453年），赵襄子、韩康子、魏桓子共杀知伯，尽并其地。

十八年，哀公卒，子幽公柳立。

幽公之时，晋畏，反朝韩、赵、魏之君。独有絳、曲沃⑧，余皆入三晋。

十五年（前423年），魏文侯初立。十八年，幽公淫妇人，夜窃出邑中，盗杀幽公。魏文侯以兵诛晋乱，立幽公子止，是为烈公。

烈公十九年（前401年），周威烈王赐赵、韩、魏皆命为侯。

二十七年，烈公卒，子孝公頊（qí，其）⑨立。孝公九年（前384年），魏武侯初立，袭邯郸⑩，不胜而去。十七年，孝公卒，子静公俱酒立。是岁，齐威王元年也。

静公二年（前376年），魏武侯、韩哀侯、赵敬侯灭晋后而三分其地⑪。静公迁为家人⑫，晋绝不祀。

《史记·晋世家》

①季世：末世。

②舍之：此处指留宿。

③晋阳：在今山西太原市西南。

④朝歌：今河南淇县。

⑤黄池：今河南封丘西南。

⑥《集解》引徐广曰：“《吴世家》说黄池之盟云：‘赵鞅怒，将战，吴乃长晋定公’。《左氏传》云：‘乃先晋人’，《外传》云：‘吴公先歃，晋公次之’。”

⑦哀公：《索隐》：“《赵系表》云骄是为懿公”。

⑧绛：今山西翼城西南。曲沃：今山西闻喜西北。

⑨頤：《索隐》：“《世本》云孝公倾”。

⑩邯鄲：今河北邯鄲市。

⑪《索隐》：“《纪年》魏武侯以桓公十九年卒，韩哀侯、赵敬侯并以桓公十五年卒。又《赵世家》烈侯十六年与韩分晋，封晋君端氏，其后十年，肃侯迁晋君于屯留。不同也”。

⑫家人：庶人。

陈完者，陈厉公他（tu6驼）之子也。……

……

完卒，谥（shì市）为敬仲。仲生穉孟夷。敬仲之如齐，以陈字为田氏①。

……

文子卒，生桓子无宇。田桓子无宇有力，事齐庄公，甚有宠。

无宇卒，生武子开与厘子乞。田厘子乞事齐景公为大夫，其收赋税于民以小斗受之，其禀予民以大斗，行阴德于民，而景公弗禁。由此田氏得齐众心，宗族益强，民思田氏。晏子②数谏景公，景公弗听。已而使于晋，与叔向私语曰：“齐国之政，其卒归于田氏矣”。

……

……悼公既立，田乞为相，专齐政。

四年（前485年），田乞卒，子常代立，是为田成子。

鲍牧与齐悼公有郤（qiè怯）③，弑悼公。齐人共立其子壬，是为简公。田常成子与监止俱为左右相，相简公。田常心

害监止，监止幸于简公，权弗能去。于是田常复修厘子之政，以大斗出货，以小斗收。齐人歌之曰：“姬乎采芑(qǐ起)④，归乎田成子”！齐大夫朝，御鞅⑤谏简公曰：“田、监不可并也，君其择焉”。君弗听。

子我者，监止之宗人也⑥，常与田氏有郤。……子我率其徒攻田氏，不胜，出亡。田氏之徒追杀子我及监止。

简公出奔，田氏之徒追执简公于徐(shū书)州⑦。简公曰：“蚤从御鞅之言，不及此难”。田氏之徒恐简公复立而诛己，遂杀简公。简公立四年而杀。于是田常立简公弟骜(ào傲)，是为平公。平公即位，田常为相。

田常既杀简公，惧诸侯共诛己，乃尽归鲁、卫侵地，西约晋、韩、魏、赵氏，南通吴、越之使，脩功行赏，亲于百姓，以故齐复定。

田常言于齐平公曰：“德施人之所欲，君其行之；刑罚人之所恶，臣请行之。”行之五年，齐国之政皆归田常。田常于是尽诛鲍、晏、监止及公族之强者，而割齐自安平以东至琅邪⑧，自为封邑。封邑大於平公之所食。

……………

田常卒，子襄子盘代立，相齐。常谥为成子。

田襄子既相齐宣公，三晋杀知伯，分其地。襄子使其兄弟宗人尽为齐都邑大夫，与三晋通使，且以有齐国。

襄子卒，子庄子白立。田庄子相齐宣公。宣公四十三年(前413年)，伐晋，毁黄城，围阳孤。明年，伐鲁、葛及安陵。明年，取鲁之一城。

庄子卒，子太公和立。田太公相齐宣公。宣公四十八年，取鲁之郕(chéng，成)⑨。明年，宣公与郑人会西城。伐卫，取母(音贯)丘⑩。宣公五十一年卒，田会自廩丘反。

宣公卒，子康公贷立，贷立十年，淫于酒妇人，不听政。太公乃迁康公于海上，食一城，以奉其先祀。明年，鲁败齐平陆^①。

三年，太公与魏文侯会浊泽，求为诸侯。魏文侯乃使使言周天子及诸侯，请立齐相田和为诸侯。周天子许之。康公之十九年（前386年），田和立为齐侯，列于周室，纪元年。

《史记·田敬仲完世家》

①以陈字为田氏：《索隐》云：“以陈田二字声相近，遂以为田氏”

②晏子：名婴，齐国大夫。

③郤：同“隙”，不和的意思。

④这句话的意思是说老姬采的芑菜都归于田成子，以此表明齐国之政将归于田氏。芑，菜名。

⑤御鞅：《索隐》：“御，官也；鞅，名也。亦田氏之族。”

⑥子我：《索隐》：“贾逵云‘即监止也’。寻其文意，当是监止。今云‘宗人’，盖太史误也。”

⑦徐州：即徐州。见前注。

⑧琅邪：今山东胶南西南。

⑨郕：今山东宁阳北。

⑩毋丘：今山东曹县南。毋，古“贯”字。

⑪平陆：今山东汶上北。

2. 魏李悝变法

是时，李悝为魏文侯作尽地力之教，以为地方百里，提封

①九万顷，除山泽邑居参分去一，为田六百万亩。治田勤谨则亩益三升②，不勤则损亦如之。地方百里之增减，辄为粟百八十万石矣。又日余（dī敌）甚贵伤民③，甚贱伤农，民伤则离散，农伤则国贫。故甚贵与甚贱，其伤一也。善为国者，使民无伤而农益劝。今一夫挟五口，治田百亩，岁收亩一石半，为粟百五十石。除十一之税十五石，余百三十五石。食，人月一石半，五人终岁为粟九十石，余有四十五石。石三十，为钱千三百五十，除社闾尝新春秋之祠④，用钱三百，余千五十。衣，人率用钱三百，五人终岁用千五百，不足四百五十。不幸疾病死丧之费，及上赋歛，又未与（音豫）此。此农夫所以常困，有不劝耕之心，而令余至于甚贵者也。是故善平余者，必谨观岁⑤有上中下孰。上孰，其收自四，余四百石⑥；中孰自三，余三百石⑦；下孰自倍，余百石⑧。小饥则收百石，中饥七十石，大饥三十石。故大孰则上余三而舍一，中孰则余二，下孰则余一，使民适足，贾（读假）平则止。小饥则发小孰之所歛⑨，中饥则发中孰之所歛，大饥则发大孰之所歛，而果⑩之。故虽迂饥馑水旱，余不贵而民不散，取有余以补不足也。行之魏国，国以富强。

《汉书·食货志》上

①提封：诸侯的封地。

②三升：臣瓚曰：“当言三斗。谓治田勤，则亩加三斗也”。

③余：买粮。民：此处指士工商。

④社闾尝新春秋之祠：指各种祭祀。社闾，土地之神。

尝新，谷食新出，帝王先祭薦寝庙，叫尝新。春秋，指春社、秋社的祭祀。